



Inatsisartunut ilaasortaq
Mariane Paviassen, Inuit Ataqtigiit

§ 37 naapertorlugu apeqquteqaat nr. 061/2023: Neqi A/S pillugu akissut

Asasara Mariane Paviassen

Inatsisartut Suleriaasianni § 37, imm. 1 naapertorlugu naatsiiyanik Neqi A/S-imut tunisisarneq pillugu apeqquteqaateqarputit. Apeqquteqaatitit uannit akisassanngorlugit innersuunneqarput.

1. Ukioq kingulleq 2022 naatsiaat qanoq amerlatigisut Neqi A/S-mit pisiarineqarpat?

- taakkunanga maannamut qanoq oqimaatsigisut sinneruppat?
- Neqi A/S-ip kiilumut qanoq akilerlugit naatitsisartunit pisiaraat?
- Niuerfiit sorliit naatsiiyanik nioqquteqarfigineqartussanngorlugit isumaqtigiissuseqarfigineqarsimappat?

Akissut:

Neqi A/S-imiit ukiuni kingullerni pingasuni tunisanut tuniniakkanullu kisitsisit uku ilisimatitsissutigineqarput.

	2020/2021	2021/2022	2022/2023
Naatsiaat tunisat (ton)	80	83	72
Naatsiiat tuniniakkat (ton)	38	29	12

Neqi naatsiaanik pingaartumik pisiniarfissuarnut angisuunut aammalu pisiniarfinnut minnerusunut ataasiakkaanut tuniniaasarpoq. Tuniniakkat saniatigut naatsiiat ikinnerusut Neqi-p nammineerluni tunisassiaanut allanut akussatut pigineqartarput.

Neqi A/S-imiit Neqi A/S-ip tuniniaassisuisalu akornanni niuerneramik tunngaveqarluni isumaqtigiissutit oqaatigineqarsinnaanngillat.

2. Neqi A/S-ip naatsiiyanik pisiortulernermini maannamut qanoq oqimaatsigisunik naatsiiyanik pisiortorsimava?

- Naatsiiat maannamut qanoq oqimaatsigisut akigineqarsimappat?
- Qanoq oqimaatsigisut igiinnarneqarsimappat?
- Aningaasanngorlugu qanoq Neqi A/S naatsiaanik pisinermini aningaasartuuteqarsimava?

Allakkap ullua: 20-03-2023
Suliap normua: 2023 - 6179
Allagaatip ilisarnaataa:
18906431

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

d) Aningaasanngorlugit qanoq Neqi A/S naatsiaanik akigisaqarnermi isertitaqarsimava?

Akissut:

Apeqqut 1-imut akissut takuuk.

3. Neqi A/S-ip siunissami naatsiaanik pisiarisimasaminik eqqaaginnarunnaarniarluni qanoq pilersaaruteqarpa?

a) Nutaaliorluni tunisassiornermik ingerlatsinermik aallartitsiniarpa?

Akissut:

Neqi A/S-imit ilisimatitsissutigineqarpoq, maannarpiaq naatsiaanik tunisassianik nutaanik ineriartortitsisoqarnissaanik pilersaaruteqartoqanngitsoq.

4. Naalackersuisut pilersaaruteqarpat nunatsinni tunisassiarineqartut pitsaanerusumik ingerlaavartumik pisisartunut akilersinnaasumik tuniarneqartarnissaanik anguniagaqartumik?

a) Taamaasimappat suut pilersaarutigaat?

Akissut:

Naalackersuisuniit imminut pilersornissap, ilaatigut nerisassianik inuussutissanik tunisassianillu imminut pilersornerup, nioqqutissanik tikisitanik pinngitsuuisinnaanermik annikillisisissusap annertusineranik kinguneqartussap annertusineqarnissaa siunnerfigineqarpoq.

Matumani inuussutissarsiornermik ingerlataqarfiit inuussutissarsiortullu niuernermi, tassungalu ilanngullugu nioqqutissat katitigaanerini akinillu aalajangersaasarnermi ineriartortitsinermik ingerlataqartussat naatsorsuutigineqarput. Tamatumunnga atuisut piumasaqassusiat annertuumik apeqqutaasussaavoq.

5. Imminut pilersornermik Naalackersuisoqarfiup nerisasaqartitsiniarnikkut pilersornerulernissamik pilersaarusiortuni ingerlatsiva?

Akissut:

Naalackersuisut Kalaallit Nunaanni imminut pilersornissamut periusissiaq siulleq suliaralugu aallartippaat. Periusissiaq ilaatigut Kalaallit Nunaata inuussutissaqarnermi imminut pilersorneranik annertusititseqataassaaq. Sulinermi suliassaqarfinni arlalinni, soorlu aalisarnermi, piniarnermi, nersutaateqarnermi naatitanillu tunisassiornermi suliniutit ingerlareersut tunngavigineqarput.

Naalackersuisoqarfimmiit nunat allat, pissutsinut assingusunik, soorlu silap pissusianut tunngasunik atugaqarfiusut misilittagaannut paasissutissat pissarsiariniarneqarput, aammalu teknologiinik nutaanik atuinissamut periarfissat misissuiffigineqarlutik.

Tamatuma saniatigut periusissiaq kalaallit tunisassiaannut piumasaqaatinut sinaakkutissanut pitsanngueqataassaaq, taamaalillunilu najukkani

inuussutissiarineqartut inuiaqatigiinnut ajornannginnerusumik
siaruarterneqarsinnaalissapput, assartorneqarsinnaalissapput
tuniniarneqarsinnaalissallutillu. Inuussutissarsiortut inuussutissarsiorfillu
attuumassutillit sulinermut akuutinneqassapput, suliassaqarfinni allani
ineriartortitsinissaq imminut pilersornissamut annertuumik attuumassuteqarmat.

**6. Nunalerinermik siunnersorteqarnermi siunnersortit qanoq sinerissami
atorluarneqarnerunissaannik Namminersorlutillu oqartussat akornanni
suleqatigiinnermik ingerlatsisoqarpa?**

Akissut:

Nunalerinermut Siunnersuisarfik Kalaallit Nunaata kujataannaanut
attuumassuteqanngilaq, kisiannili Kalaallit Nunaanni nunalerinermi
tunisassiornermut imaluunniit nunalerinermi tunisassiornermik aallartitsiner
nut tamanut atatillugu siunnersuisinnaalluni.

Inussiarnersumik inuulluaqqusillunga



Kalistat Lund